

SÍÐAREGLUR

Kjörinna fulltrúa í hreppsnefnd og nefndum hjá Kjósarhreppi

1. gr.

Markmið

Markmið þessara reglna, er að skilgreina það háttarni og viðmót sem ætlast er til að kjörnir fulltrúar sýni af sér við störf sín fyrir hönd Kjósarhrepps.

Með kjörnum fulltrúum er átt við hreppsnefnarfulltrúa sem og alla aðra sem kjörnir eru til setu í nefndum og starfshópum sem og varamanna þeirra.

2. gr.

Að fylgja lögum og gæta almannahagsmuna.

Kjörnum fulltrúum ber að gegna störfum sínum af alúð og samviskusemi, fyrir opnum tjöldum, vera reiðubúnir að axla ábyrgð á ákvörðunum sínum og gæta hagsmuna Kjósarhrepps. Í störfum sínum eru kjörnir fulltrúar bundnir af lögum, reglum og samþykktum Kjósarhrepps, sem og sannfæringu sinni.

Jafnframt skulu þeir í störfum sínum og í umræðu um málefni Kjósarhrepps stuðla að og viðhafa orð og athafnir sem samrýmast geta góðum mennleglum samskiptum.

Kjörnir fulltrúar hafa ávallt í heiðri grundvallarreglur góðrar stjórnslu í störfum sínum, þ.m.t. gagnsæja og upplýsta ákvarðanatöku, og framkvæma ekkert það sem er til þess fallið að vekja grunsemdir um að annað en lögmæt málefnaleg sjónarmið ráði för við stjórn Kjósarhrepps.

Kjörnir fulltrúar gæta þagnarskyldu um það sem þeir fá vitnesku um í starfi sínu og leynt á að fara vegna einkahagsmuna eða almannahagsmuna samkvæmt lögum eða eðli máls. Trúnaðurinn helst áfram eftir að látið er af störfum.

3. gr.

Valdmörk.

Í störfum sínum ber kjörnum fulltrúum að virða ákvörðunarvald, réttindi og verkaskiptingu í stjórnkerfi Kjósarhrepps og fara ekki út fyrir umboð sitt í störfum sínum. Þeir mega ekki hvetja til eða aðstoða kjörinn fulltrúa við að brjóta þær meginreglur sem hér eru settar fram.

4. gr.

Misbeiting valds.

Kjörnir fulltrúar skulu eigi beita réttindum eða aðstöðu sem fylgja embætti þeirra í þágu einkahagsmuna sinna eða annarra í því skyni að geta notið óbeinna eða beinna persónulegra hagsbóta af því.

5. gr.

Hagsmunaárekstrar - hæfi

Kjörnir fulltrúar skulu forðast hagsmunaárekstra í störfum sínum. Þegar kjörinn fulltrúi á óbeinna eða beinna persónulegra hagsmuna að gæta í máli sem eru til umfjöllunar hjá hreppsnefnd eða nefndum sveitarfélagsins, skal hann gera grein fyrir þessum hagsmunum áður en umræður eða atkvæðagreiðslur fara fram og ef vafi getur leikið á um hæfi hans og skal hann ekki taka þátt í umræðum eða atkvæðagreiðslum í málum ef hann er vanhæfur til þess.

Um hæfi þeirra við meðferð einstakramála samkvæmt 20.gr sveitastjórnarlaga nr. 138/2011. Kjörnir fulltrúar nýta sér ekki stöðu sína í þágu einkahagsmuna sinna eða annarra sem eru þeim tengdir, hvort sem ávinningur af slíku kemur fram strax eða síðar, þ.m.t. eftir að störfum fyrir Kjósarhrepps lýkur.

6. gr.

Gjafir og fríðindi.

Kjörnum fulltrúum er óheimilt að þiggja gjafir, greiðslur eða önnur hlunnindi frá viðskiptamönnum sem gæti talist fela í sér að veita eða þiggja mútur.

7. gr.

Ábyrgð í fjármálum.

Kjörnum fulltrúum ber að virða fjárhagsáætlun og grundvallarreglur um fjármálastjórn sem tryggja réttmæta og ábyrga meðferð á almannafé. Við störf sín skulu kjörnir fulltrúar ekki aðhafast neitt sem getur falið í sér misnotkun á almannafé.

8. gr.

Stöðuveitingar

Kjörnum fulltrúum ber að gæta þess að við stöðuveitingar hjá Kjósarhreppi sé í hvívetna fylgt lögum og reglum og að einungis málefnalegar forsendur liggja að baki vali á starfsmönnum.

9. gr.

Bann við að tryggja sér stöður.

Kjörnir fulltrúar skulu ekki í störfum sínum leita eftir starfslegum ávinningi í framtíðinni, til dæmis með því að ívilna fyrirtæki eða stofnun sem þeir hafa eftirlit með eða hafa stofnað til samningssambands við fyrir hönd sveitarfélagsins, með athöfnum eða athafnaleysi, þannig að fari í bága við hagsmuni þess.

10. gr.

Miðlun siðareglna til kjörinna fulltrúa og almennings

Kjörnum fulltrúum ber að tileinka sér þessar siðareglur og lýsa því yfir að þeir séu reiðubúnir til að hafa þessar siðareglur að leiðarljósi.

Siðareglurnar skulu vera aðgengilegar starfsfólki sveitarfélagsins, almenningi og fjölmiðlum á heimasíðu sveitarfélagsins og annan þann hátt sem hreppsnefnd ákveður, til að þessir aðilar geti gert sér grein fyrir meginreglum þeirra.

Samþykkt á 196. fundi hreppsnefndar þann 02. apríl 2019